

大昭度經

書  
才  
三

羽  
十  
七  
十一

47492




元祿九年丙子二月日重脩

皇圖聖固 帝階級昌

佛日增輝 機輪常轉

山城州天安寺法金剛院置



大昀度經卷第三

吳月支謙譯

大昀度經地獄品第六

秋露子白佛明度道弘普入景慧天中天自  
歸昀度無極天中天行寂無穢去冥示明魏  
魏至尊無不成熟天中天無目惑者授道慧

眼無生無滅苦者得安悉入無想昀度

大士之母拔生死根大神已足三合十二轉

昀度天中天闍士當云何於中立天中天佛

言敬明度當如敬佛於中立自歸當如自歸

佛精心念秋露子比丘何因發是問則報之

曰是昀度護於闍士代歡喜功德施與無上



羽

正真道之恩也。若有布施持戒忍辱精進禪定，皆不若譬言人生墮地盲若士衆之行，無前道者欲有所至，不知行夫。五度如盲者，闍士雖明度欲入一切智中，不知所行。明度將護五度，與目與名。秋露子白佛言：云何入明度中？守佛言：觀五陰無從生滅，見五陰無生滅處。明度亦然。又白佛言：作是守者爲逮，何法曰逮？無所逮法，無所逮法名曰明度。釋白佛言：明度不逮一切知耶？佛言：不作是逮者，無所著，無名無識。釋問：復當云何逮？佛言：如無所逮，故能逮。釋言：少有及者？天中天，無如明度諸法滅善善業。白佛言：闍士作是念者，離

明度佛言明度空無所有是故不遠不近不  
成不壞問曰信此爲信何法佛言爲不信五  
陰不信溝港頻來不還應儀緣一覺善業言  
大明度是闍士法佛問何緣知大明度爲闍  
士明度乎對曰五陰不大不小不退不亂如  
來一切智有十種力不強不弱不退不亂何  
以故不退不亂一切智不廣不狹天中天若  
有是念想爲不求大明威神欲度衆生是爲  
著何以故人本無大明亦無人不壞明度義  
然人所出生力如來現力如是秋露子白佛  
言若有信是法者不疑者其人從何來生求  
道以來幾時乃得解中義教佛言從他方佛

刹來生已問其義聞即恭敬視師如佛念曰  
吾已見佛矣善業白言明度可得聞見不曰  
不可得見也闍士求佛以來幾何時隨此法  
佛言非一輩學也各有本行或前供養若干  
千佛具持經戒未時聞斯定棄而不敬來世  
佛所聞當復棄去佛言其人自隨身意受愚  
癡心自用以斯罪自弊聞人說明度復止之  
止此者爲止一切智爲止往古來今將導明  
眼矣以斯愚罪斷於經法輕易應儀受不信  
之道死入無擇獄其歲難筭勤苦毒痛不可  
具言天地壞時當適他方大地獄中展轉三  
塗劫數無量秋露子白佛言其罪等於五逆

微喻之耳佛言其罪難爲譬喻是明度學誦  
時若有心念非如來所說止人學者自壞復  
壞人自飲毒復飲人是輩人自亡不曉明度  
復誤他人學士無見斯人坐起言笑通好飲  
食也何以故斷是經故斯人自在冥中復投  
於冥中其人自飲毒煞身無異也斷經之愚  
人信其言罪苦等矣誹謗明度爲謗十二部  
經也秋露子言佛未說謗斷經罪入太山其  
形類如受身大小願哀釋之佛言無問聞之  
必恐中熱沸血由面七孔憂焦損命由斬華  
著于盛日萎枯而喪愚夫死然也其身長大  
醜惡晁處無不惡見言難說彼毀尊法人處

地獄中所受形類也。又白佛言願說其罪。今  
末世人敬奉明法畏慎不犯謗斷經罪重痛  
如彼佛言以示人大明後世聞者誹謗得罪  
在地獄中苦痛無期其罪可知矣。善業白佛  
善人常當護身口意行夫謗明法乃致斯罪  
佛言癡人於我法中作沙門誹謗明度言非  
止斷者為止一切智十二部經為斷三世諸  
佛道為斷比丘僧者受恒沙劫罪善業問謗  
誹斷經者凡用幾事佛告斯士女無戒為邪  
所中故不樂深經以斯二事斷明度矣。又用  
四事一者隨惡師言二者不以順學三者不  
承闍士法四者主行謗斷經法好索人短以



自高是爲四事善業白佛言不覩深歸少有  
信者世尊曰然重問何緣少信佛佛言往古  
來今五陰不著不縛不脫所以然者以其無  
形明度義然故少信者矣

大明度經清淨品第七

善業白佛言少曉明度無極未狎習者佛言  
五陰清淨道清淨道清淨五陰亦清淨適等  
無異五陰清淨一切智清淨一切智清淨五  
陰亦清淨等無異今斷前亦斷今不壞前亦  
不壞今正等無異秋露子白佛言甚深清淨  
天中天佛言清淨秋露子極明虛無無瑕穢  
無所有無不遍無生欲無色想清淨天中天

佛言清淨矣又曰五陰清淨天中天佛言不知不隨不想清淨矣又曰一切智明度不增不減何以故無所有經護清淨佛言清淨矣善業白佛言意清淨五陰清淨五陰清淨意亦清淨天中天佛言本清淨矣一切智清淨道亦清淨佛言本清淨矣五陰無邊意亦無邊佛言本清淨矣大士明照其源其故明度本清淨不在彼不在此不中本清淨矣善業白佛言闍士有想便離明度遠佛言善哉如尔言有名想便著曰難及天中天是明度如來安濟群生說是於著秋露子問善業何所為著荅曰念五陰空著念往古來今皆著釋

問善業何因著答曰心想念施與無上正真  
道心無當何等施是善人歡樂教人於本空  
如是無過如佛所教出於諸著中去佛言善  
哉汝爲閻士大士本空不著復次若有深著  
想念如來隨所想便爲著往古來今佛無所  
著法代歡喜以施作無上正真道者法無往  
古來今一切不得有施想無念無見無聞無  
心不念心對曰甚深天中天佛言明度本清  
淨矣善業言自歸明度佛言法無作者無作  
無上正真道者善業言如佛教無作者佛言  
不兩法本無一本無是本無無作是本無者  
如是一切疾過著去對曰難了天中天佛言

如是無得佛者對曰明度不可計也佛言然  
心不自知心善業言無作明度者天中天佛  
言無師作者求明度不五陰求不空五陰求  
爲求明度五陰不滿爲非五陰不求爲求明  
度對曰難及天中天著無著天中天著無著  
是者爲不著佛言五陰不著不求爲求明度  
五陰著爲不求明度溝港頻來不還應儀緣  
一覺著爲不求何以故著出一切智中如是  
闍士著不著爲出爲守一切智對曰難逮天  
中天甚深所說法說之不減不說不增佛言  
如是不減不增所以然者如來盡稱譽虛空  
亦不增減譬如幻人譽毀不能使其有喜感

增減矣吾經說衆生各學諷誦經亦不增減  
謙苦求明度守者不懈不恐不動不轉隨是  
教不捨還何以故作是守者為守空諸天人  
鬼龍皆當為作禮以其服大慈法鎧與虛空  
戰濟衆生之禍現世苦橫之故也善業言被  
鎧譽虛空舉三處人至大精進上勇猛天中  
天法如虛空故索無上正真道欲得平等最  
正覺有異比丘心念自歸明度者為無上滅  
法釋語善業作是求隨是教何因隨是教善  
業言明度隨是教者為隨空教釋白佛言學  
明度者當說幾聞善業云何釋見法不當所  
護者隨是教者衆生不能得其便也行明度

護為護虛空云何釋有力者能護響言不曰不能也如響亦無想念為求明度持佛威神三千大千諸釋梵四天王諸尊天王一切皆來為佛作禮遶三帀却住一面念千佛号字形容被服所出國土皆如釋迦文其弟子字皆如善業問明度者皆如釋其本教授時皆同一處闍士大士皆被大鎧學明度佛告善業慈氏闍士作無上正真平等覺時亦當於是說明度曰云何說五陰不受說不空說不著說不脫五陰說歎曰清淨天中天佛言五陰清淨明度清淨如空也對曰五陰無穢天中天佛言無穢矣善業言學是者不橫死也諸

尊天常隨之經師月八日十四日十五日說  
經時諸闍士常來大會佛言是善士汝得功  
德甚多難計所以然者明度無所近法無所  
取經無有無得無瑕無點無求無想是為求  
明度無所觀見法諸天子心大歡喜同聲而  
歎曰斯天下乃再見經輪轉佛告善業不  
經輪轉無所從生法不來不去如是善業言  
永安闍士諸法皆無所罣礙作無上正直道  
平等正覺佛言無經輪轉無經還何所為輪  
轉無見經還何所為經輪轉無見經無觀法  
何以故諸經所生如虛空無轉無去作是說  
便為說經無說經者無聞者無證是說經者

為滅度是說經為無人善業白佛如虛空無  
極悉明度平觀諸法無不明了天中天本空  
無上諸法不可逮無著無身無去無來無有  
無持無盡無根無所從生無滅無作無師不  
知無想無所罣礙無適無壞無本如幻無見  
如夢無我清淨無穢不可見無處定不動搖  
無念平等不動法不移無欲法無異無所生  
向無想去垢盡恚恨無人人本無不觀法無  
所起不至邊無所止不腐無敗無不入諸應  
儀緣一覺所不能及不亂無誤不可量無小  
法無形無所生起無苦諸法不相侵無我無  
所著空諸法無所出力無能勝者不可計出



計去無所畏心不懈如來諸法本無無師無  
為寂寞明度無極天中天

大鬪度經悉持品第八

帝釋作是念今見佛聞明度無極者過去佛  
時人也何況學持諷誦用是教住其人前世  
供養若干佛從問事已是善士為更見過去  
正真正覺從是深法聞說時不疑不恐不畏  
不難秋露子白佛言是深鬪度闍士大士信  
受者視當如不退轉何以故本精進故釋語  
秋露子是法甚深從斯定難乃尔乎聞其義  
而不信者彼求道未久以斯為難矣自歸明  
度為自歸一切智矣夫一切智者是明度所

照明當作是住解慧釋白佛言云何於明度  
中住解慧佛言善哉釋若今作是問持佛威  
神使若發此問耳闍士求明度五陰中不住  
爲應行五陰不究竟尔故不於中住秋露子  
白佛言甚深天中天是法難見無邊佛言五  
陰甚不住不隨不入五陰中秋露子言有不  
退轉闍士當於前說之間是慧法不猷釋問  
秋露子未受決闍士若於前說將有何異曰  
未受決者聞之或恐退若大士聞斯義得淨  
定者疾近受決不久或見一佛若兩便受決  
或自於斯中受決得無上正真道佛言如是  
求佛乃從久來當作是知未受決者當聞見

是法秋露子白佛言我樂是語樂人中之安  
佛言樂者當於佛前說之秋露子言譬如闍  
士至德自於夢中升佛座坐當知斯闍士沮  
欲成佛如是天中天是明度若有得者其功  
德欲成滿近佛佛言善哉是語乃作是樂如  
佛威神復白佛譬若欲行萬里若二萬里到  
大深澤中遙想見牧牛羊者境界居舍叢樹  
心中作是念想郡縣聚落將聞見之稍前行  
沮欲近郡縣不復畏盜賊如是天中天闍士  
大士得是法今近受決不久不復恐墮應儀  
緣一覺道中何以故上正想見已欲見大海  
者便稍稍往想見其山林明慮諦見海尚遠

即不想見矣若沮欲至無復山樹之想矣得此法者雖不見佛從受決今作佛不久譬若春時樹葉稍欲生出當知此不久華葉若實當成熟何以故上想見葉華實當知成熟斯土有眼者大歡喜用見葉華實故當知成熟如是闍士大士上想受決不久今受決作

上正直道佛言善哉善哉秋靈子持佛威示使若說明度善業白佛言難及天中天悉豫了。署闍士大士作如來無所著正直道最正覺佛言用是故闍士大士晝夜愍傷群生欲使其安自致無上正直道成作佛時悉為說經善業言云何求得成就作佛佛言經中作

是觀五陰不過爲求明度不觀見法爲求明  
度對曰不可計天中天所說佛言如是五陰  
不可計不可求對曰誰當信是者從是求閻  
士大士佛言何所爲求正使求者但爲名耳  
是中閻士大士明度力四事佛法一切智無  
所近何以故力不可計四事佛法一切智皆  
不可計五陰諸法亦然也正使作是求爲無  
所求爲求明度正使作是求但爲名耳善業  
言甚深天中天斯乃寶將中王與虛空戰勇  
德難勝令佛行業傳之無窮佛言然尔故閻  
士欲疾書是經至死何以故於寶中多有斷  
起善業言弊邪存想欲使經斷佛言邪欲斷

經會不能勝秋露子問持誰恩不能中斷佛  
言十方現在諸佛威神悉共擁護是闍士大  
士佛所授定耶不能斷也又白佛言是明度  
若念誦持學書者諸佛威神皆共擁護之佛  
言我眼視是學持誦者最後書持卷者當知  
是輩如來眼所見是至德受持是經者疾近  
佛座得大功德如來去後是法當在釋氏國  
彼賢學已轉至會多尼國在中學已復到鬱  
單曰國在中學已却後我經沮欲斷時我斯  
知已尔時持是明度最後有書者佛悉豫見  
其人已佛所稱譽也秋露子問佛鬱單曰國  
當有幾闍士大士學斯定佛言少耳是經說

時聞不恐不難爲疾近如來其人前世聞如  
來已學閻士至德持戒完具多所度脫是輩  
索佛道者我知是高士近一切智其所生處  
志尚所歸當學斯義欲求無上正直道是人  
行尊耶終不能動使捨佛志也聞明度已得  
極歡樂尊得大乘德逮近無上正直道雖不  
見我後世得是法爲面見佛佛說斯語如矣  
儻有求道者當共教勸令學佛道我悉代歡  
喜有作是教者心復心轉轉相明自在願生  
何方佛刹所生異方面見佛說經時當復於  
後教人求佛秋露子白佛言難及天中天云  
何乃有是如來往古來今斯高士何法不知

何求不得云何乃有是波甫當求佛者是輩  
為精進逮入六度中學佛言是輩人有求經  
不求者會值經法願不離經索無止時不索  
自得六度秋露子問有覩斯明度定衆經由  
之出乎佛言有解明度者諸經出之所以然者  
是佛教法當教一切人勸令取佛亦復自學斯  
經深義彼諸高士所生逢佛獲六度無極矣  
大明度經覺邪品第九

善業問佛高士種類欲學當何以學其難天  
尊曰欲學明度無極心不喜者當覺邪為心  
妄疾起者心欲學卒鬪亂起若書是經雷震  
畏怖闍士轉相調戲左右顧視書是經邪念



不著經從座起去自念我不受決法不在明  
度中便亂心起內不得靜自念我鄉土郡國  
縣邑不聞是經意悔捨去其人却後若干劫  
聞餘道經喜不能任明度而隨異經便墮應  
儀緣一覺道中是爲枝葉譬若男子得象觀  
其脚云何點不曰不也天中天佛言如是求

闍士道棄明度去及修學餘經得應儀緣一

覺道曰點不曰不也天中天天尊曰譬若欲

見大海而覩波水曰斯巨海矣點不曰不也

天尊曰闍士棄深明度取餘經墮應儀緣一

覺道中有智妄對曰不也天尊曰譬若作絕

妙殿捨匠師意欲齊日月宮殿於善業意能

作不對曰終不能也斯正點不對曰不也天  
尊曰求闍士道聞明度已復棄去學應儀緣  
一賞道法欲於中求佛是人點不曰不也天  
中天佛言譬若欲見飛行皇帝及見小王取  
容被服諦熟觀之曰斯沮是飛行皇帝也是  
人點不對曰不也天中天佛言甫當耒闍士  
得深法已復棄去入應儀法中欲求佛云何  
有知無對曰不也譬若大飢得百味飯不食  
也欲得六十味飯商人得無價明月珠持水  
精塗明月珠欲令合同是人點不對曰不也  
佛言甫當耒闍士得明度經及此應儀道棄  
去入應儀法中欲得作佛復次當書時耶使

去入應儀法中欲得作佛復次為書時邪使  
財利從他方未聞利便棄法住不能書成也  
為貴邪為書是經時莫言我書莫作是悔也  
當從經中聞決作是言者邪得其便矣不尔  
者邪界空書時意或著世兵賊鬪乱親屠財  
利餒食病瘦醫藥念父母兄弟及衆餘念闍  
士當明覺斯為邪使復次我有名深經邪從  
次續之便行亂學明度者意令釋本崇末便  
不得變謀明慧佛言闍士大士欲說變謀明  
慧從明度索之而今逮得復棄去於應儀道  
中索變謀明慧是闍士點不日不也天中天  
佛言受經人欲聞法師便不安正使安欲樂

師欲至他方兩不和矣或念在衣食財利受  
經人亦無用施本不得明度如是當覺邪為  
受經人正使無所愛惜不逆師師有斯經弟  
子問事師不肯解之受經人賈恒退或時師  
欲說受者不悅也師若身疲不能起說經學  
士志銳而不得學者當覺邪為復次是法說時  
書時儻有來者說地獄餓鬼禽獸大勤苦當  
早斷之作應儀無荷重患矣若復於衆譽天  
上樂云於彼五所欲自恣所存亦可一心念  
空然雖獲所念會當別離受彼衆苦不如於  
斯索溝港頻來不還應儀道莫與壞敗虛空  
從事復次師尊貴心自念有敬歸我者我與

明度不者則止學人自歸不避劇難師不肯授欲到四劇怖中又告之曰穀貴之處虎狼賊中五空澤間我樂往彼尔諦思議能隨我行忍此勤苦不得後悔弟子憂曰師具解與不肯相授吾奈之何乎師徒志乖明度書學誦經經行之時弟子愠馱不復受學稍就俗令經法義擁當覺邪爲復次師健乞白多方便欲懈墮去便諂語學者我當到某處有所問訊如是不知當學誦經行時遇此當覺邪爲復次弊邪常索其便如斯之惱無得受深法者善業問何因如茲佛言弊邪主行誹謗明度言我有深經其義玄妙餘皆非法也是故

新學闍士心疑恐非明度無極終不學邪事一起時有闍士深守禪行便得溝港道是爲證大明度經照明十方品第十

善業白佛言佛說明度無極照明於世謂照明天尊曰如來持五陰示於世又問云何視現壞五陰現世邪不壞現世乎天尊曰五陰

本無壞不壞何以故空想願無壞不壞無所生無壞無所識無壞不壞五陰本空想願無所生無所識明度示現於世無量人心如來得明度悉知其源何等爲知其源人本心本世復次善業疾心如來從明度悉知何等爲疾心亂心即知經本出入於心中無本入經

疾心亂心即知經本出入於心中本無入經  
亦無出經心故為經本經故為心本本經不  
疾不亂即知何等為疾心即知隨其疾盡盡  
為無所有為心如無所有不疾亂是為疾心  
即知如是明度出如來示現於世愛欲心本  
即知瞋恚心本即知愚癡心本即知何等愛  
欲瞋恚愚癡心本即知愛欲本心非愛欲心  
瞋恚心本非瞋恚心愚癡心本非愚癡心何  
以故心本不現無想無想是無愛欲瞋恚愚  
癡是為本無如本經無本如是明度出如來  
愛欲瞋恚愚癡心斷即知何等心斷即知心  
斷非愛欲也非瞋恚也非愚癡也何以故愛

欲心斷本瞋恚心斷本愚癡心斷本皆無所  
從出無有本無所從生諸法無所從出無愛  
欲愛欲斷無瞋恚瞋恚斷無愚癡愚癡斷不  
可得見如是明度出如來示現世間為有德為  
人故曠大心即知無大小無益心無去心何  
以故心本斷如是出如來用有德用人故無  
邊幅心即知是心不去不來不住何以故本  
空無所出本無不來不去不住如是不可量  
心即知不增心身中心知如虛空不可計如  
是心知明度出如來不可計人未見心即知  
何以故無想一切見經諸法如心等心如諸  
法想非諸法諸法非心想何等想非諸法何



等非想心諸法無想心亦無想不見如是明  
度出如來欲得是致是用有德用人故何等  
欲得是致是一切欲得致在五陰中住欲得  
從是便致是善業如來云何欲得是因致是  
從死致死是為色從死致不死是為色從不  
死致不死是為色不有死不無死是為色五  
陰如有世無我是為色無世有我是為色  
有世有我無世無我是為色不有世不有我  
不無世不無我是為色如是得世本源得我  
本源是為色不得世本源不得我本源是為  
色有本源無本源是為色不有本源不無本  
源是為色有本源無本源是為色不有本源

不無本源是為色是命是身是為色非命非  
身是為色五陰亦尔是為欲得是因致是從  
我身起如來用人所著所縛所故即知為知  
過去如來知時知今如來知時知何等知已  
知如本無五陰亦尔如來五陰何等為知如  
本無五陰本無如來本無作是見本無五陰  
本無出本無諸法亦本無溝港頻來不還應  
儀緣一覺本無如來亦本無一本無無異無  
所任無所止無想無盡如是本無無異如  
來從明度中出悉知之是故名佛矣善業白  
佛言甚深天中天誰當信是者獨得應儀及  
不退轉乃信耳佛言本無無盡時如來所說

無極釋與萬天子俱梵衆天與二萬天子俱到  
至佛所頭面著佛足却任一面愛欲天子梵  
天子俱白佛言天中天所說法甚深云何其  
想佛告諸天子虛空著無相無願無所任如  
虛空無所罣礙諸天龍鬼神不能動也何以  
故是想無作者五陰不能作想人非人所不  
能作佛告諸天子若言有作虛空者寧信不  
對曰不信也天中天無作虛空者何以故虛  
空無色天尊曰是想常住有佛無佛是想任  
如故如來悉知是諸天子白佛言是想甚深  
如來悉知無所罣礙明度是如來自在道是  
佛所居處也佛告善業如來恭敬於經承事

自歸何謂是經明度是經如來從是得無上  
正真道用是故我恭敬經當報恩諸法無作  
悉知無持來是為報經恩善業白佛言諸法  
不知不見何等為明度出如來示現於世天  
尊曰諸法無所住如是悉知見出如來示現  
於世五陰不見作是示現於世何等不見者  
五陰無因緣不見不見是為明度出如來示  
現於世如虛空示現於世示現於世難了清  
淨是為示現於世

大明度經卷第三

弱音若狹侯自蔽下必祭謗上方萎枯

上烏為狎習上胡甲瑕穢上音霞適等上音的

反焉一無適著並同呼反近也喜感下倉曆腐音父調戲上

餘文詩石反呼陂水上音碑商人上音傷銳

一利也也愠於運反乞下音商人上音傷銳



